

115 年全國語文競賽臺中市複賽臺灣原住民族語言朗讀文章 【郡群布農語】 高中學生組 編號 2 號

Nashudas tu Kakaunan

Aiphai natahuan kaimin mas, masnanava isiaitubununtu, sinpala mai.
madadainaz paliuni mas laihaiban. nashudas is kakaun tamaku tu taiklas,
naispatahu, laupaku tuuvavaz, minaupacia dau, habasBunun sinihumis,
madadaingaz hai, masmuav tu masaiu, sikaupakaupa tu, iskusisia
haihaimangsut, kainanakan amin kauni, ukatutasa binaliv, phasia masmuav
tu istaiklasan, malinaskal, isia ludun daingaz mihumis.

nasiza dau masnanava tasa, taisbanan tu haningu, nasaduantu igadah,
tatau maduhlasin, a hulbu tu bununna hai, maza mangspahan hai, tupaun tu
hudavilian, makamakuisan hai, tupaun tu hudassalisan, maza andingalan,
maluspingazan cipsian mas, hulisikian hai, mapapait saia mas bainupadas,
ungat matutusuk saia, pan tamakuan, mais supsup saia, mas kakaunacia hai,
supah a husul at pupunu, musbai aminna, salangkitaz mais isia huma
kuzakuza, Bunun habas mataiklas, kanaanak kauni sikaupakaupatu,
haihaimangsut, natahudau, masnanavatu, pikun a kakauna kauni, siza saia
mas kankunanan, lamis tu duhnu, pisialun malisli, kiskissun at, paklangan
sia sapuzcia, kilim tasa makuis tu kus, lahsupun sia tuhnucia, saduan hai
makitvaivi masaiu, masial a sinkauni. lusbutun iskusisia mas habas Bunun
tu madadaingaz.

maaza itu maluspingaz kakaunahai, kaumasikit at kansisilan mas itu
Bunun tu patastan, aupa manauuazdau itu Bunun tu patas, mais saduanhai,
ai ! madinsal itu ivut tu patas, masisala, ungat maailadu, maszang itu ivut tu
mata, manauuazdaingaz saduan, maza maluspingaz hai, lusbut hulisikian,
aupa lalahsupun mas, kakaunan, mais nii saia malsapah tamakuanciahai,
lahsupun saicia sia cipsiancia at, malkazingking a tutusuk, mazkai Bunun,
hudaspingaz saduan hai, madunduntuhudin.

habasang a maimadadaingaz hai, maupacia sinihumis. mais asa maun
mas tamaku hai, kanaanak mapintani, tupaun saiatu itu Bunun lisav tu
tamaku, sizaun a lisav ispavali, ungt musmussun makumaang hai,
auladinuin sia kungacia, nanii tu minkukuang, Mais na iskusia hai,
auladingun sia kakaunan cia, mais saduan hai madaulu tu kakaunan,
habasmadadaingaz, mapasnanulu, tudip naia malsasapah mas kakaunancia,
kinuzin maz laupaku, dizaian hai, paliuni amin tu, niitumasmuav, maun mas
tamakutan, aupa nanitu masial a lutbu, cisuni laupaku a, tamakuan hai,
supahvaivivaivtu isbabaliv.

祖父母的菸斗

族語課談到過去祖父母的菸斗，老師敘述族人過去的智慧，曾經很多使用的東西，都是親手製作。老師拿出老照片，有三個族人，兩男一女白髮蒼蒼的阿公、阿嬤，兩個阿公在聊天。婦女頭上綁頭巾，菸斗插在髮梢上，看起來好漂亮。

以前布農族會叨菸是談事情的時候，現今社會宣導不要抽太多菸，會對身體造成影響。有很多來路不明的菸非常可怕，少抽菸，對自己身體保持健康。